

---

*Н. А. Петренко*

## СОЛОВЕЦКИЙ ПАТЕРИК И ПОВЕСТИ О СОЛОВЕЦКИХ ПУСТЫННОЖИТЕЛЯХ

Тема ухода в пустынью имеет давнюю библейскую традицию. В пустынью бежал пророк Илия, и все Евангелия начинаются с рассказа о пустынножителе и пророке Иоанне Крестителе. В пустынью бежали ревностные первохристиане — так и возникли монашеские сообщества, монастыри. В середине XV в. преподобные Зосима, Савватий и Герман положили начало общежительному монастырю на Соловецких островах, и с этого времени до начала XX в. совершались и записывались подвиги соловецких монахов.

Наиболее полный список Соловецкого патерика XVII в. хранится в Отделе рукописей РНБ в Софийском собрании под № 452. Он датируется 90-ми гг. XVII в. Владельческая запись свидетельствует о принадлежности рукописи в конце XVII в. Палеостровскому монастырю. Поскольку в одной из главок «Сказания об учениках строителя Елеазара Анзерского скита» есть упоминание о кончине патриарха Никона, составлен Патерик был не ранее 1682 г. Помимо основного корпуса литературных памятников, посвященных основателям монастыря преп. Зосиме, Савватию и Герману, а также св. Филиппу, митрополиту московскому, список содержит «Житие и чудеса святых Иоанна и Логгина Яренских и прочих чудотворцев писменных», где под «прочими» разумеются герои повестей о соловецких подвижниках XVII в. игумене Иринархе, преп. Елеазаре Анзерском и его учениках, а также «пустынножителях соловецких».

«Сказание вкратце о строители Елеазаре Анзерского скита» является оригинальным текстом по отношению к Житию и автобиографическим запискам («Свитку») преп. Елеазара и не входит в состав «повестей о пустынножителях» XVII в. В дальнейшем последнее название закрепилось именно за рассказами о пустынниках, подвизавшихся в середине XVII в. на Большом Соловецком острове. В рукописи начала XIX в. из собрания Соловецкого монастыря РНБ (№ 1195/1366) содержатся два литературных произведения: «Повести о соловецких пустынножителях» и «Верное и краткое исчисление преподобных отец соловецких, в посте и добродетельных подвигах просиявших». Согласно владельческой записи сборник этот был пожертвован в библиотеку Соло-

вецкого монастыря архимандритом Досифеем 4 июля 1836 г. На форзаце рукописи можно найти Синодик, заупокойный перечень рода архимандрита Досифея. Сама же рукопись представляет собой сборник в четвертую долю листа, из 48 листов, в кожаном переплете, описание ее можно найти в «Описании рукописей Соловецкого монастыря, находящихся в библиотеке Казанской Духовной семинарии».<sup>1</sup> Иеромонах Никодим использовал «Верное и краткое исчисление» из Досифеевой рукописи при издании своей книги с тем же названием<sup>2</sup> и полностью опубликовал «Повести о пустыножителях» по этой рукописи в примечаниях к своему труду, тот же текст публикуется и в данном издании.

Еще в XVII в. отдельные рассказы о пустыножителях были собраны вместе, к XIX же веку они приобрели облик небольшого цельного патерика: редактор снабдил их предисловием и разделил текст на 5 примерно одинаковых по объему повестей. Органическим продолжением Повестей стало «Верное и краткое исчисление» с общим для обоих литературных памятников «заключением» — в таком виде рукопись охватывает всю историю соловецкого монашества до времени ее составления.

На славянские языки рано были переведены и впоследствии широко бытовали на Руси патерики святоотеческой эпохи.<sup>3</sup> Вслед за первым оригинальным русским — Киево-Печерским — патериком в XVI в. был составлен Волоколамский патерик.<sup>4</sup>

В этом же столетии был составлен и третий оригинальный русский патерик — Соловецкий. В своем «Библиологическом словаре» П. М. Строев разделил все известные ему сборники со службами и житиями соловецких святых на 8 видов.<sup>5</sup> Его классификация ограничена концом XVIII в. При этом самый полный, уже упоминавшийся нами список Соловецкого патерика конца XVII в., по Строеву, является I видом памятника, а завершает список «раскольничий патерик, напечатанный в 1787 году в СПб.». В XVIII в. на Соловках составляется только одно новое Житие — Иисуса (Иова) Анзерского, основателя Голгофо-Распятского скита, отличающееся от соловецких агиографических сочинений XVII в., по замечанию И. Я. Яхонтова, «своей несравненно большей простотою».<sup>6</sup> Монастырь трудно оправлялся от раз-

<sup>1</sup> Казань, 1885. Т. 2. С. 525—529.

<sup>2</sup> Верное и краткое исчисление преподобных отец соловецких, в посте и добродетельных подвигах просиявших, и исторические сведения о церковном их почитании / Сост. иеромонахом Никодимом. СПб., 1900.

<sup>3</sup> Леонид. Сведения о славянских и русских переводах патериков различных наименований и обзор редакций оных // ЧОИДР. 1890. Ч. 3.

<sup>4</sup> Краткие сведения и библиографию по Волоколамскому патерику см.: Лурье Я. С. Патерик Волоколамский // Словарь книжников и книжности Древней Руси. Л., 1989. Вып. 2 (вторая половина XIV—XVI в.), ч. 2: Л—Я. С. 163—166.

<sup>5</sup> Строев П. М. Библиологический словарь и черновые к нему материалы / Приведены в порядок и изданы под редакцией академика А. Ф. Бычкова. СПб., 1882. С. 383.

<sup>6</sup> Яхонтов И. Я. Жития святых северорусских подвижников Поморского края как исторические источники (По рукописям соловецкой библиотеки). Казань, 1881. С. 200.

грома 1676 г. и после этой трагедии вновь расцвел лишь 100 с лишним лет спустя. Архимандрит Досифей вернул былую славу монастырю и непосредственными трудами по его восстановлению, и своей литературной деятельностью.<sup>7</sup> Публикуемые по принадлежавшей архимандриту Досифею рукописи «Повести о пустыножителях» наряду с «Повестью о пустыножителе Феофане» и изданным в Петербурге в 1873 г. Соловецким патериком, содержащим рассказы о 14 подвижниках XIX в., являются недостающим связующим звеном между древней и новой историей соловецкого монашества.

## ПРИЛОЖЕНИЕ

### СИЯ КНИГА ПОВЪСТИ О ПУСТЫННОЖИТЕЛЯХЪ СОЛОВѢЦКАГО ОСТРОВА

#### Предисловие

л. 1

Пустыннии граждане и любители безмолвия, бѣглцы мира и всѣхъ прелѣстей, пустыножителнии отцы наши съ церковнымъ славиемъ дѣяніемъ пояху песнь ону: «Се, удалихся мира и водворихся въ пустыни. Поистиннѣ удалившася мира и всѣхъ красотъ и сладостей земныхъ, и водворишиася въ пустыни. Пусто быше обитание ихъ всѣхъ увѣселений вѣка сего. И не точно увеселѣй, но ниже потребныхъ къ житию своему имѣяху. Всѣ бо ихъ наслаждение бы//ваше: овому от Бога показанная трава и вода, еюже питаящеся пятдесятъ лѣтъ и вящше, иному мохъ съ брускию стертымъ, другому корение вакха и симъ подобная, къ сему же и трудъ всегдашний имѣяху. И здѣ подвизающеся увядиша тѣлеса своя, и измождиша бѣдствиемъ и колѣнопреклонениемъ, и прочими пустынными труды, и якоже мертвѣцы во гробѣхъ, сице они живии суще въ пещерахъ своихъ пребываху. Во всѣхъ сихъ не изнемогаху, чающе от Бога, спасающаго ихъ въ малодущии и бури, помощи. Возвергоща бо на Господа всю печаль свою, и той страннымъ образомъ ихъ препитоваше, якоже абие услышимъ. //

Повѣсть 1. О пустыножителѣ Андрее, иже подвизаяся на Соловѣцкомъ островѣ, многия напасти от бѣсовъ претерпѣ и питаящеся от Бога показанною травою и водою 58 лѣтъ и болѣе.

При игуменѣ Соловецкаго монастыря блаженномъ аввѣ Антонии 1606 году бысть некий иеромонахъ именемъ Иосифъ, ро-

<sup>7</sup> См.: Досифей. 1) Библиографическое и историческое описание ставропигиального первоклассного Соловецкого монастыря. М., 1847; 2) Географическое, историческое и статистическое описание ставропигиального первоклассного Соловецкого монастыря. М., 1853.

л. 3 домъ новгородецъ. К се//му единою прииде нѣкій братъ, име-  
об. немъ Василий Кенозерецъ, на исповедь. По совершении же  
исповѣди духовникъ вопроси брата, глаголя: «Чадо Василие, хо-  
дящу тебѣ иногда во внутреннихъ Соловецкаго острова, не  
видѣлъ ли когда коего пустынножителя?». Онъ же, мало помол-  
чавъ, рече ему: «Дивное, отче святый, и преславное видѣхъ  
чудо!». То слыша, духовникъ нача прилѣжнѣе его вопросати,  
моля повѣдати ему подробно. Василий же едва повинуся, при-  
нужденъ прилѣжнымъ молениемъ его, нача повѣдати ему сице:

«Изшедшу мне единою изъ монастыря внутрь острова потре-

л. 4 бы ради, и преходящу горы и // езера, совратихся со стези, и не  
позвавахъ пути к монастырю. Пребыхъ убо сице многое время  
блудя по пустыни, преходя блата и горы и обходя езера, алченъ,  
не имый что ясти и пити. Во едино время внезапу возрехъ на  
предняя, узрехъ издалеча, аки бы некий быль зверь или стень  
человѣча. То видѣвъ, устремихся итти к зrimому, той же, егда  
увидѣ мя к себе идуща, аbie вскочи в дѣбрь и скрыся от менѣ.  
Азъ же паки текохъ за нимъ. И пришедъ къ дѣбri, обрѣтохъ  
малу стезю, по ней же шедъ, приидохъ к чащи непроходимой,  
позрѣхъ же всюду, усмотрѣхъ во единомъ мѣстѣ чащи тоя под-  
л. 4 об. чищено сънизу, яко // единому человѣку подлести можно, идѣже  
съ нуждею прошедъ, узрѣхъ гору и стопы босыя — ноги  
человѣческия. В горѣ оной обрѣтохъ малу скважню, яко единому  
токмо человѣку пройти. Азъ же, сотворивъ молитву, влѣзохъ  
внутрь пещеры и стахъ на нозѣ мои.

Бысть же пѣщера высока и пространна, обаче темна, и не  
мощно видѣти стѣнъ. Аbie страхомъ обять быхъ, от ужаса же  
оградихъ себѣ крестнымъ знамениемъ и распстрохъ руцѣ мои,  
осязуя стены. Внезапу обяяхъ руками человѣка стояща, аbie ужа-  
сохся и от страха сотворихъ молитву, глаголя: „Господи Иисусе  
Христѣ, Боже нашъ, помилуй нась!“. Пустынножитель же  
л. 5 об. от//вѣща: „Аминь!“. Тогда азъ падохъ на ногу его, той же рече  
ми: „Чадо, чесо ради пришелъ еси семо и коя ради потребы?“. Азъ же со страхомъ и радостию отвѣщахъ ему: „Прости мя, отче  
святый, не волею мою семо приидохъ. Изшедшу бо мнѣ изъ мон-  
астыря во островъ ради потребы, погубихъ стезю и не возмогъ  
обрести ея. И сице преходя горы и блата, молитвами твоими  
наставленъ, приидохъ съмо. Но молю твою святыню: помилуй  
душу мою, от глада погибающую, настави мя на путь, ведущий  
к монастырю“. Пустынникъ же рече мнѣ: „Добрѣ, чадо, яко при-  
шелъ еси, Богъ бо тебя привѣль семо“.

л. 6 И поимъ, ведѣ // мя в другую пещеру, в нюже вшедъ, видѣхъ  
с полуденныея страны окно устроено, и свѣтло бысть в пещерѣ  
сей. Здѣ усмотрѣхъ подвижника, яко нагъ бысть весь, возрастомъ  
средний, скудобрадъ. Тѣло же его черно, аки земля, и сухо, аки  
мертвеца. В пещерѣ же видехъ в землю утверждены четыри  
сошки, и на нихъ положены двѣ дщицы и два корытца. Во единомъ  
бысть трава намочена, в другомъ же вода. И повѣлѣ мнѣ  
траву оную ясти, по семь дадѣ мнѣ и воды онья пити. Азъ же,

приемъ благословение, ядох траву ону и воду пихъ. Тогда воз-  
веселихся ядию того, быхъ въ // сытости и силѣ, и забыхъ гладъ <sup>л. б.  
об.</sup>  
бывший и жажду.

По семъ азъ мало приемъ дерзновение, припадши к ногамъ  
его, начахъ молити его святыню, дабы повѣдалъ мнѣ имя свое,  
и житие, и коликое время въ пещерѣ той пребываетъ, и от кого  
пишу приемлетъ. Пустыножитель, принужденъ быхъ прилѣж-  
нымъ молениемъ моимъ, нача мнѣ повѣдати тако: „Имя мнѣ  
Андрей. И азъ, чадо, Богу мнѣ помогающу, изыдохъ из мира и  
приидохъ в спасительное пристанище — святую Соловецкую оби-  
тель, идѣже пребыхъ трудяся съ прочими трудники. В то время  
игуменомъ бысть во обители Варлаамъ [иже бысть послѣди мит-  
рополитъ Ростову]. По семъ посланъ бых въ Сосновую соловар-  
ню варити соль, идѣже пребывающу ми, размыслихъ житие сие  
краткое и суетное, воспомянухъ многая согрѣшения моя, яже со-  
творихъ въ мирѣ, прогневляя Бога, помянухъ же трепетный часъ  
смертный, по немъ страшное пред Христа предstatie и будущую  
грешникомъ муку, — умилихъ душою и сокрушихъ сердцемъ, и  
положихъ въ помыслѣ моемъ, утаившиися всѣхъ, скрытия в пус-  
тынью сию.

По семъ, Богу помогающу ми, усмотревъ время удобное,  
абие изыдохъ изъ Сосновой и устремихся во внутре//ння осто-  
рова. Переходя же пустынныя горы и езера, Богомъ наставля-  
емъ, приидохъ на мѣсто сие, ископавъ убо пещеру сию руками  
моими, водворихся въ ней. В началѣ моего семо пришествия  
многия бѣды и напасти претерпѣхъ, гладомъ и жаждею то-  
мимъ. Многая многажды претѣрпѣхъ от бѣсовъ биения, при-  
видѣния, неисчислена страшилища. Являхуся бо тии в подобие  
левовъ, змievъ, медведевъ, и иныхъ зверей и птицъ, иже абие  
пожрети хотяще. Паки съ помыслы брахся, аки съ лютыми  
зверми, яко многажды раскаеватися мнѣ и глаголати: «Чесо  
ради приидохъ в пустынью сию, еда // не можно спастися в  
миру, колми паче в монастырѣ».

И соизволяхъ иногда помыслу, оставилши пещеру, изходя  
от мѣста моего, хотя ити в мирѣ или в монастырь. Богъ же хотят  
всякому человѣку спастися и в разумъ истинный приити, преще-  
нне страшное посылаше мнѣ. Громъ бо внезапу ударяше, и мол-  
ния грозно блистающи, опаляше мя, и дождь сильно лиющиися,  
аки нѣкою силою воспящающи, паки прогоняше мя въ пещеру  
мою. И егда паки утверждахъ помысломъ жити в пустыни, тогда  
тихий прохладный и теплый вѣтръ, благорастворенный воздухъ  
и солнце, свѣтло сияющее, упокоева//ше мя. Иногда же паки  
зимою случашеся от помысловъ побѣжденну ми бывшу, оставив-  
ши пещеру изходити от пустыни и ити в монастырь. Тогда Бо-  
жииимъ повелѣниемъ мразъ лютъ и буря ветренная бываше и не  
даяше мнѣ от пещеры моей ни единиля пяди отъйти. Иногда же  
уже отшедшу ми далече от пещеры моей, воспящаемъ бывахъ  
силною бурею возвращахъ в келлию мою, хотя избыти такового  
прещения, и уже бы токмо живу доити пещеры моей. Сице три

л. 7  
об.

л. 8

л. 9  
об.

лѣта препроводихъ, от всезлобнаго врага озлобляемъ и телѣсными нуждами томим.

По триехъ же лѣтъ видя человѣколюбѣцъ Богъ труды  
л. 9 моя, сотвори отраду // болезнѣмъ моимъ и посѣти мя благодатию своею. Возсия бо ми весна красная. И разрушишася вся козни дияволскія, борющія мя. Въ нѣкое бо время приидѣ ко мнѣ мужъ святообразенъ и рече мнѣ: «Мужайся, отче, и от Бога даннаго ти ко спасению пути не презирай». Вдаде же мнѣ и траву сию, глаголя: «Богъ повелѣ тебѣ травою сею питатися, воду же от езера сего взимати». То рекъ, невидимъ бысть. Оттолѣ убо питаюся травою сею и водою 58 лѣтъ, хваля его благостию».

Сия азъ слышавъ [глаголеть Василей], падохъ на нозѣ его, молихъ молитися за мя. По семъ просихъ, да покажетъ ми путь  
л. 9 об. к монастырю. Онъ же из//вѣдь мя из пещеры, показа путь и благослави мя, глаголя: „Иди, чадо, с миромъ и никому же повѣдай, яже слышалъ еси от мене, грѣшнаго, дондеже есмь в телѣсіи“. Азъ же, приемъ благословеніе, отъидохъ от него, грядый къ монастырю. Бысть же путнаго от него шествия аки поль версты, и вскорѣ достигъ монастыря».

«Азъ же, — глаголет Иосифъ, — сия от Василия слышахъ, зѣло умилихся душою и разгорѣхся сердцемъ: ибо и самъ любя пустынное житие и велие имѣхъ желание еже жити въ ней. И молихъ прилѣжно Василия, да ведеть мя в пустыню и покажеть пещеру его, яко да сподоблюся лицезрения и благословенія от сицеваго дивнаго // блаженнаго мужа. Той же обѣщаася вести мя тамо и показати мѣсто жилища его. Усмотривше время, изыдохомъ из монастыря и ходихомъ по пустынѣ цѣлою седмицу, ищуще пещеры, но не обретохомъ ни пещеры, ни горы, ниже дебри онъя: не изволи бо Богъ явѣ показати намъ угодника свое-го, в тайнѣ ему работающаго».

Сей иеромонахъ Иосифъ имѣяше тогда у себя ученика нѣкоего инока именемъ Дамиана [иже потомъ бысть пустыножитель], возвести ему все, еже слыша от Василия Кѣнозерянина о многолѣтномъ пустыножителѣ Андрее. Той же, егда сия слыша, абие возгорѣлся пла//менемъ божественныя любви. И от того времени воскипѣ в сердцѣ его велие желание, еже вселившеся в пустынѣ, вѣтайнѣ работати Богу. И яко же елень желаетъ улучити на источники водныя, сице сей возжада безгрѣшія источника — уединеннаго, безмолвнаго, вышеестественнаго житія. По нѣкоемъ времени изыде из обители и, Богомъ наставляемый и укрепляемый, вселился внутрь Соловѣцкаго острова въ пустынѣ, идѣже многое время препроводи богоугодно, подвизаясь противу невидимыхъ враговъ, и многия претерпѣ от нихъ напас-ти, сподобляшеся же духовнаго собесѣдования с подвижникомъ Христовымъ блаженнымъ Андреемъ, яко же предлежащая явить по-вѣсть. //

Повѣсть 2. О преподобнѣмъ отце нашемъ Дамианѣ, како  
изыде из Соловецкаго монастыря и вселися внутрь острова Соловецкаго, идѣже подвизаяся, многия претерпѣ от бѣсовъ мученія, и сподобиша видѣти многихъ пустынножителей и бесѣдовати съ ними. //

Преподобный отецъ нашъ Дамианъ, отвергшия мира, <sup>л. 12</sup> приидѣ в духовное пристанище, во святую Соловецкую обитель, идѣже приять бывъ, проходжаше повелѣваемое послушаніе, со всякою кротостию и смиреніемъ. По времени сподобленъ бысть аггелскаго образа, и паче простирающеся на подвигъ, воюя противу триехъ главнѣйшихъ исполнинъ: противу плоти, мира и диавола. Прочитая же жития святыхъ отецъ, дивляшеся, како они во плоти суще безплотныхъ ревноваху жителству: каковую нищету, скорби, напасти от человѣкъ, алчбу и жажду, бѣдніе всенощное, безчисленная коленопреклоненія творяху, в пустыни же паки // каковыя напасти претерпѣваху, лишениемъ потребныхъ, <sup>л. 13</sup> наготово, смущающеся всѣваемыми от врага злыми помыслы, имиже паче всего живущихъ в безмолвии оскорбляютъ. Паки невидимыхъ враговъ явное нападение, ужасныя страшилища, неисчисльные привидѣнія, премѣрзския зраки различныя всезлобныхъ бѣсовъ, имиже подвижниковъ Христовыхъ, чувствено являющеся, устрашаютъ. Сия размышляя, тщающеся ревновати елико мощно житию ихъ.

Егда же услыша от старца своего иеромонаха Иосифа о пустынножителѣ Андрее, иже тогда подвизашеся на Соловецкомъ островѣ, никимъже вѣдомъ, и яко быша и другия <sup>л. 13</sup> пустынницы на том же островѣ, сокровѣнно Богу работающии, тогда блаженный Дамианъ паче возгорѣся духомъ к уединенному житию и тщающеся всячески, како бы вселитися в пустыню. По времени же нѣкоемъ изыдѣ тайно из монастыря, никому же о себѣ повѣдая, и шедъ во внутрення острова Соловецкаго, пребысть четыредесять дней и нощей без обычнаго хлѣба, преходя пустыннаѧ мѣста и ища угоднаго мѣста ко ископанию пещеры, и желая видѣти рабовъ Божиихъ и благословитися от нихъ. Таковымъ непрестаннымъ хождениемъ утруженный и долгимъ воздержаниемъ утомленный, зело изнемогши, паде под нѣкиимъ древомъ, хотя // мало почити.

Прилучися же в то время братии изыти из обители во островъ ради собрания ягодъ, тии, преходяще пустыннаѧ мѣста, узрѣша его под древомъ лежащаго аки мертваго и мневша быти его уже умерша, видѣша бо на немъ точию единыя кости, кожею покровенны, взяша его и положивше на носилы, несоще к монастырской избѣ, во островѣ нѣгдѣ бывшей. Принесше же, видѣша, яко душа его еще въ немъ есть. Приведоша к нему духовнаго его отца, той же нача вопрошати его, глаголя: «Чадо Дамианѣ, гдѣ былъ еси толико время и что тебѣ случися?». Онъ же отверзъ уста своя, едва провѣща: «Прости мя, отче, здѣ // в пустыни время сие быхъ и нынѣ грѣховъ моихъ ради утробою зело болѣзную». Отецъ паки вопроси его: «Чим питался еси?».

Онъ же рече: «Отнелъ же изыдохъ из обители во островъ, питахъся травою и водою, хлеба же желание ниже во умъ приидѣ». То слышавше, братия дивишася, глаголюще: «Не иным чимъ точию благодатию Божию сей питался, понеже домъ чистъ на вселѣние Святаго Духа себѣ уготова». И нудяху его вкусити брашна, онъ же, послуша ихъ, вкуси мало. По приятии пиши паче возболжнова, обаче помалъ укрѣпился.

Прошедшу немногу времѧни, блаженный Дамианъ паки касается своего // возлюбленного безмолвия, паки исходить во островъ, идѣже обрѣтше мѣсто, постави себѣ келлию отшелническую и вселился в ней. Тамо обрѣте два отшелника, Богу работающие, с ними же сподобляяся духовнаго собесѣдования, ползовася много, возлюби зѣло уставъ жития ихъ.

По семъ постави и хижину близъ ихъ, нача пребывать тамо, во дни и въ нощи труждающеся, пребывающе в постѣ и молитвахъ. Прииде же ему паки желание видѣти и иныхъ отшелниковъ, на Соловецкомъ островѣ втайнѣ Богу работающихъ, хотя навыкнути правилу жития ихъ и благословения от нихъ сподобитися. // л. 15 об. О семъ нача молити человѣколюбца Бога и пречистую его Матерь, преподобныхъ же отецъ Зосиму и Савватия на помощь призывати, яко да сподобится видѣти желаемаго. Тѣм же нача часто ходити по пустыни, надѣяся обрѣсти рабовъ Божиихъ. Богъ же не презрѣ моления его — откры ему подвижниковъ своихъ, въ пустыни ему работающихъ. Ибо в то время мнози отшелницы на Соловецкомъ и Анзерскомъ островѣхъ в пустыни мало кому вѣдоми живяху, о нихже здѣ вкратцѣ предложимъ.

Первый в нихъ старецъ честенъ, именемъ Ефремъ Черной, новгородецъ, мирянинъ Никифоръ — воистину истинніи раби Божи и совершенніи и//ноцы, Алексий Калужанинъ, Иосифъ и Тихонъ Москвитянѣ, Феодуль Рязанецъ, Порфирий, Трифонъ, Иосифъ, младый Севастианъ и ини мнози пустыножители. Сихъ обрѣтши блаженный Дамианъ, и бѣсѣдовавъ с ними, зѣло ползовася от собесѣдования ихъ, зря же ангелоподобное ихъ житие, велми утешающееся духомъ. Тѣм же нача, в монастырь иногда входящи, потребная пустынникамъ приносити. Преставшихся же от жития сего к Богу своими руками погрѣбаше.

Иногда зимѣ належащей, прилучися блаженному Дамиану изыти далѣе во островъ. Срѣтъ его единъ пустыножител нагъ, именемъ Никифоръ, мирянинъ // сый и рече: «Посещай, посещай, Дамианъ, да и самъ от Бога посещенъ будеши». Дамианъ же, хотя бесѣдовати с нимъ, потече вслѣдъ его, хотя постигнути, но той абие невидимъ бысть. Во едино время иде блаженный к нѣкоему рабу Божию, в пустынѣ жителствующему, иже агелоподобнымъ своимъ житиемъ, яко орель высокопарный, леташе. С ним же бесѣдуя о душевной ползѣ, вопросы его, глаголя: «Повѣждь ми, истинный рабъ Божий, кое есть имя твое и гдѣ рождение твое, и колико лѣть пребывающи в пустынѣ сей». Онъ же нача ему повѣдати, сицѣ глаголя: «Имя мнѣ Тимофей, рожденъ же быхъ во градѣ Алексинѣ, егда же бысть грѣхъ ради

на//шихъ Московское государство в нестроении великомъ, вина же тому попущениемъ Божиимъ новоявленный самозванецъ Гришка Отрепьевъ разтригъ. Тогда, видѣвъ азъ таковое нестроение и мяtekъ, аbie оставилши родителей моихъ и все еже имѣхъ имѣніе, никому же вѣдущу, изыдохъ из дома. Слышавъ же от нѣкихъ путниковъ о Соловѣцкомъ островѣ, устремихся ити съмо. Пришель же к морю, съдохъ в малый карбасъ, и Божию помощию проплывшіи морѣ, достигохъ острова сего. Тогда аbie идохъ въ пустыню сию. Призвавъ же Бога в помощь и на того все // упование возложивъ, сотворивъ себѣ здѣ хижину и вселихся жити въ ней.

И в началѣ моего здѣ вселѣния безчисленная претерпѣхъ бѣды от нападения бесовскаго, множицею брашася со мною нечистии демони и не премогоща мя, помогающей мнѣ благодати Божией. Противляхся бо имъ, ограждая себѣ крестнымъ знаменіемъ и молитвою, к тому же многую нужду имѣхъ тельсную, гладомъ и жаждею томимъ, не имый чесо ясти. Паки вражиимъ дѣйствомъ нападаху злыхъ помыслы, иже, яко звѣри лютии обышедшіе, обхождаху мя. И именемъ Господнимъ и памятию смертною противляхся имъ. Хотя же навыкнути страху Божию, присно имѣхъ // оное слово: „Предзрѣхъ Господа предо мною выну, яко одесную мене есть“. И пребыхъ в таковой бѣдѣ три лѣта, борясь со врагами и со страстми.

По триехъ же лѣтѣхъ во едино время седящу ми в хижинѣ моей, предста мнѣ старецъ свѣтлообразенъ и рече: „Мужайся, рабѣ Христовъ, и пути, ведущаго ко спасению, не оставляй!“. Вдадѣ же мнѣ траву сию, показа и воду, идѣже взимати, глаголя: „Богъ повелѣваетъ тебѣ сею травою и водою отселѣ препитание имѣти“. И тако посети мя милосердие Божие, укрепихся и легчае ми бысть. Оттолѣ питаюся травою сею и водою, благодаря Бога». //

Дамианъ же, сия от подвижника Христова слышавъ, большая ревности исполнился и хотяше конечнѣе с пустынножители вселился. И глагола пустыннику: «Рабе Христовъ, моли за мя Бога, да сподобить и менѣ вкупъ с вами пожити». Онъ же укрепляше его на большая подвиги простиратися спасения ради души своея.

Сице блаженному Дамиану часто по пустыннымъ мѣстамъ ходящу и нѣкимъ отшелникомъ нуждная потребная приносящу, изнемогающихъ же и в скорби сущихъ на подвигъ и мужество возставляющу и утышающу, ненавидяй спасения нашего диаволь воздвиге на него братию Соловецкаго монастыря. Тии бо робуще глаголаху, яко Дамианъ мона//стырь разоряетъ, пустыни же строить монастырскими вещами и оную наполняетъ пустынниками, из монастыря уводить в пустыя мѣста, да въ пустыняхъ в праздности пребывають, а не в монастырѣ трудятся, и нынѣ многихъ прелещаетъ, да аще не возбранимъ ему, то многихъ соблазнить, и тщету монастырю сотворить.

В то время случися блаженному Дамиану изыти изъ монастыря с болничным келаремъ Кириакомъ в пустыню к вышере-

л. 17

л. 16

л. 18

л. 18

л. 19

ченному пустыннику. Увѣдавше же о семъ братия болничная, зѣло оскорбившая отшествия ради Кириакова и, пришедшее ко игумену блаженному Иринарху, со слезами моляху его, глаголю-  
щє: // «Отче святый, повѣли намъ отыскать келаря нашего стар-  
ца Кириака, онъ бо отшел в пустыню к отшелнику Дамиану, прелщенъ имъ, и тѣмъ своимъ отшествием нынѣ намъ велику скорбь сотворилъ: никто же бо нась сице упокои, якоже отецъ  
Кириакъ».

То слышавъ, блаженный Иринархъ оскорбися и повелъ иска-  
ти его. Тогда братия велми возярившеся, аbie послаша во ост-  
ровъ нѣкиихъ от братии, а с ними стрелцовъ и трудниковъ,  
повѣлеша, ихже обрящутъ пустынниковъ, въ монастырь привести.  
Тии же, шедше, многихъ пустынниковъ, яко нѣкое зло сотвор-  
шихъ, емше, келлии ихъ разориша, самихъ же в монастырь при-  
ведоша, а блаженного Дамиана, аки старейшину<sup>1</sup> злу//дѣевъ, свя-  
зана приведоша. Прочиимъ пустынникамъ, с ними же и Кириаку,  
жити повелѣша в монастырѣ. А страдалца Христова Дамиана,  
руцѣ и нозѣ окованвше, нуждею вринуша в болничную келлию,  
замкнувше твердо, яко невозможно бѣ ему никаможе изыти: ни  
въ церковь, ни къ братии. И пребысть сице в желѣзахъ мало  
менѣе полугода.

По семъ Божиєю помошю нѣкако свободися от железныхъ  
оковъ, и время усмотривъ, изыде тайно из монастыря в свою пус-  
тыню, идѣже первѣ пребываше. И пришедъ, видѣвъ вся келии и пе-  
щеры пустынниковъ разорены, возврѣ на небо и восплакася горко,  
глаголя: «Многомилостиве Господи, владыко человѣколюбче, аще  
угодно есть сие тебѣ, // буди воля твоя святая». И паки устроивъ  
хижину, нача жити ту. Братия же Соловецкаго монастыря паки ве-  
ликое о нѣмъ по острову соториша взыскание, но не возмогоша  
обрести его, ибо Господь покрываше раба своего.

По таковом разорении блаженный Дамианъ, вторицею при-  
шедый въ пустыню, преживѣ во островѣ шесть месяцевъ, присно  
моляше Бога со слезами день и нощь и пречистую Богородицу, и  
преподобныхъ отецъ Зосиму и Савватия в помощь призываše,  
да возможеть обрести място покойно, идѣже в мирѣ и тишинѣ  
возмогль бы препроводить прочия дни своя втайнѣ, без предкно-  
вения, и работая единъ единому Богу. //

Повѣда о немъ братъ его по плоти, иже живяше в Соловец-  
кой обители. Той единою иде в пустыню посѣтити брата своего  
блаженного Дамиана. И пришедъ к келлии его, сотвори по обы-  
чаю иноческому молитву Йисусову, но не слыша гласа, «аминь»  
отвѣщающаго. Онъ же второе и третие молитву сотвори, но не  
бысть отвѣта. Оградивъ себе крестнымъ знамениемъ, с молитвою  
отвѣрзе двери и вниде в келлию, «благослови» глаголя. Возврѣвъ  
же, видѣ его на земли аки мертвa лежаща, плоти его велми опух-  
шей. Возва его, глаголя: «Дамиане, Дамиане брате, что ти сие  
случися?». Онъ же, едва провещавъ, рече: «О брате мой! Не вѣси

<sup>1</sup> В ркп. старейшиу.

ли злобы бѣсовския, яко люты браны живущимъ въ // пустыни. л. 21  
Нападше бо на мя нечистии бѣсове, хотеше душу мою погубити,  
и емше мя, злѣ мучиша биюще. Се зриши, якова пухота обѣя  
все тѣло мое. И аще не бы благодать Христа моего спасла мя,  
то злѣ окаянни погубили бы мя. Тѣм же благодарю Бога моего,  
яко избави душу мою от злобы ихъ».

По семъ помысли блаженный отъти на ино мѣсто. Воставъ  
убо, помолися, глаголя: «Господи, скажи ми путь, во иже пойду»,  
и паки: «Настави мя, Господи, на путь твой, якоже ты самъ вѣси». Тако помолився, сѣде въ малый карбасъ и, Богомъ хранимъ, пре-  
плывъ море, изшедь на брегъ и вселися близъ реки Онеги. Посѣлянъ  
же мѣста того ловитву зверемъ творяще, обретоша его, злобою  
бесов//скою наущаєми. Келлию его сожгоша, самому же многи  
раны даша, таже за ноги по земли влачивше, мучиша, и елѣ жива  
оставлше, отъидоша. Блаженный же Дамианъ иде оттолѣ далѣ въ  
пустыню, за Водлозеро [мѣсто такъ именуется], и тамо обрѣте гору,  
Юрьева зовому, надъ езеромъ стоящую, и ины езера близъ имущую.  
Видѣвъ же мѣсто оное красно и ко вселѣнию угодно, призвавъ убо  
Бога въ помощь, водрузи крестъ и постави ту келлию себѣ. И  
поживѣ, подвизаясь единъ седмь летъ. Пребывая же тамо, блажен-  
ный слышаше иногда звонъ велий на мѣстѣ томъ и дивляшеся.

По семъ прииде къ нему нѣкий инокъ подвижный, желая жити  
съ нимъ, онъ // же прия его. Молящуся нѣкогда блаженному Да-  
миану, явися мужъ свѣтель и рече: «Богъ изволи на семъ мѣстѣ  
быти храму во имя живоначальной Троицы, другий — пресвятаго  
Богородицы, честнаго ея Ввѣдения и преподобныхъ отецъ Зоси-  
мы и Савватия Соловѣцкихъ чудотворцовъ. И соберется здѣ бра-  
тия, и общее житие устроится». То рекъ, невидимъ бысть. Блажен-  
ный размышляше въ себѣ, како бы божественное оное повѣление  
произвѣсти въ дѣло, помолися къ Богу, да явить ему, гдѣ благо-  
изволить воздвигнути храмъ, на коемъ мѣстѣ. И воздремався, ви-  
дитъ во снѣ сошедшій съ небесе крестъ велий, иже ста на горѣ  
[идеже нынѣ храмъ стоитъ жи//воначальная Троица]. Около же л. 23  
креста явися множество врановъ, иже сѣдоша на горѣ. И слыша  
глазъ глаголющъ: «На сѣмъ мѣстѣ воздвигни храмъ живоначаль-  
ная Троица, а елико видиши птицъ, толико на семъ мѣстѣ со-  
берется иноковъ, и прославится ими Богъ».

Егда же начаша здатели созидати храмъ, тогда нача гора  
трястися, подъ горою же бысть шумъ и крикъ велий. Чесо ради  
убояшеся мастера и не могоща стояти у основания, страха ради,  
трясения и шума. Блаженный же Дамианъ, сотворивъ молитву,  
покропи святою водою основание и гору, сѣде на единомъ углѣ  
и повелѣ здати. Тогда бѣси возопиша, глаголюще: «О блядивый  
старче! О блядивый! Изгониши насъ отъ жилища нашего». То  
рекши, отбегоша. Блаженный же, благодати Христовой ему по-  
могающей, созда храмъ, устрои обитель и братию собра, поживѣ  
въ нѣй богоугодно, наставляя отъ здѣшнихъ въ небесная жилища  
прияти мзду подвиговъ своихъ, въ лѣто отъ Адама 7142, отъ Христа  
же 1634 ноемврия въ 27 день, въ субботу. Аминь.

<sup>2</sup>При смерти прияль святую схиму, и наречено имя ему Диодоръ. Зри Иерархию церковную, книга 7, литера «ю», страница 829: «Юрьегорский Троицкий или Юрьева гора Олонецкий епархии мужеский монастырь», идеже моши его опочиваютъ<sup>2</sup>. //

л. 25 Повѣсть 3. О преподобнѣмъ отце нашемъ Никифорѣ, пустынножителѣ Соловѣцкаго острова.

В лѣто 7110 [1602] юноша нѣкій, именемъ Никифоръ, прииде из Великаго Новаграда во обитель преподобныхъ отецъ Зосимы и Савватия на Соловки, юнь лѣты, но старъ разумомъ, и лицемъ красенъ, коего рода, не вѣмъ, точию слышаомъ, // яко отецъ его иерей бысть в Новѣградѣ. Пребывающу же ему в послушании и трудѣхъ монастырскихъ со смиренiemъ, разсматривая чинъ монастырский, и пребывание иноковъ, и подвиги возлюби ихъ зѣло, иноческий образъ, яко къ Богу приближающий. И мысляше, кими бы образомъ избежати мира и получити ему аггелскій сей образъ. И о семъ вѣлие бѣ ему попечение, часто слѣзы от очесъ испущаше, теплоту к теплотѣ прилагая, отонуду же паче душою распалашеся в любовь Божию. По семъ не могий более терпѣти палающая в себѣ божественныя любвѣ, нача молити со слезами братию и игумена, да постригутъ его во иноческий аггелскій образъ и // причислять к братии. Но тии, видяще его юна суща и благообразна, не изволиша его пострищи. Никифоръ же присно во единомъ намѣрении пребывая, всегда помышляше, како бы избежати многомягкаго и суэтнаго мира сего.

В то время приидоша нѣціи христолюбцы из Великаго Новаграда в Соловки на поклонение святымъ мощамъ преподобнымъ и вдаша ему от родителей его писание, сицеvoе содержание имѣюще: «Чадо наше возлюбленное Никифорѣ! Се уже желаніе свое получилъ еси, у чудотворцевъ Зосимы и Савватия на Соловкахъ поживъ, обещаніе свое исполниль еси. Нынѣ убо писаніе сие от насъ получивши, неукоснѣвая прииди // к намъ в домъ нашъ, понеже мы многою скорбию и печалию о тебѣ одержими. Со слезами писаніе, начертавше, къ тебѣ посылаемъ родители твои». И проче жалости достойная писанія быша. Прочеть убо писаніе юный Никифоръ, воспомяну слово Господнѣ, во Евангелии реченное: «Аще кто не оставит отца своего и матери, не можетъ быти мой ученикъ». Ко вдавшымъ же писаніе рече: «Не могутъ родители мои видѣти мя в вѣцѣ семъ. Ибо слово Господнѣ возбраняеть намъ, христианомъ, предпочитати любовь родителскую паче любвѣ Божия, но можемъ увидѣтися тамо, аще повелить Господь, во ономъ будущемъ вѣцѣ». И тако // итти с ними к родителемъ отречеся.

Пребывая же блаженный во обители, всегда упражняшеся в послушанияхъ монастырскихъ с прочими послушники. Иногда

<sup>2—2</sup> Этот абзац представляет собой позднейшую вставку, сделанную другим почерком.

отхождаше на некую коргу дрова същи и, пребывая в тамо сущей избѣ, подвизашся въ постѣ и молитвахъ и в прочиихъ добродѣтеляхъ. Никогдаже почи на ребрахъ, но седя на стулѣ, мало сна приемаше. Имеяше же блаженный вѣру и усердие к преподобному отшелнику Маркѣ Фряческому, егоже и житие часто чтише. Единою чтуши ему житие сего святаго, воздремася, усну, съдя на стулѣ. Дружинъ его пополудни почивающей, нѣкимъ же трезвящимъ, не // вѣмы, что случися. Божиимъ ли извѣщениемъ или видѣниемъ нѣкимъ Никифору пременение бысть. Внезапу бо скочи со стула и сотвори крестное знамение на лице своемъ, абие снемъ с себѣ поясь и сандалия, во единой свитцѣ серой потече в лѣсь внутрь острова. И тамо поживѣ блаженный на Соловецкомъ островѣ, пустыннымъ житиемъ и подвигомъ подвизаяся, в постѣ и молитвахъ непрестанныхъ дванадесять лѣтъ. По семъ пострижеся в агтелский образъ от нѣкоего пустынника, иеромонаха Мисаила.

По восприятии же агтелского образа подвижникъ Христовъ блаженный Никифоръ паче простирашеся на жесто//чайший подвиги и труды и пребысть еще три лѣта, работая Господеви. По семъ во святый великий постъ в неделю цвѣтоносия отьиде ко Господу в вѣчный покой и некончаемую радость прияти мзду трудовъ своихъ от подвигоположника Иисуса в лѣто от создания мира 7125, от Христа же 1617; славя Христа Бога, повсюду облистаемая в весѣхъ и градѣхъ, да не оскудеваетъ, но да пребудеть во вся дни до скончания вѣка совершааемая и в непроходимыхъ горахъ. Милость сию, Господи, пробави, от всѣхъ души ищащимъ тя, молитвъ ради рабовъ твоихъ, втайнѣ тебѣ в вѣцѣ семъ послужившихъ, аминь. //

Повѣсть 4. О нѣкоемъ пустынножителѣ, иже подвизашся на Соловецкомъ островѣ и многия от бѣсовъ претерпѣ напасти и биения, питаяся мохомъ бѣлымъ, квашенымъ с брусникою.

Братъ единъ Соловѣцкия обители, именемъ Кириакъ, изыде нѣкогда потребы ради внутрь острова в пустыню. По случаю заблуди от пути и хождаше долгое время по пустыни, // преходя от мѣста на мѣсто, ища стези. Узрѣвъ же впереди себе гору велию и высоку, иде к ней, хотя почти, понеже утрудися зело. И пришедъ, въ подгорие сѣдѣ, прекрестився и проглагола молитву Иисусову гласно, хотя возлеши. Внезапу же с высоты горы тоя от разсѣлины каменныея отвѣща нѣкто: «Аминь». То слышавъ, Кириакъ ужасеся и, паки крестомъ оградився, громко сотвори молитву. И второе слышитъ от высоты: «Аминь». Такождѣ и третие по молитвѣ отвѣща нѣкто: «Аминь». Братъ же, бывъ во удивлении, возгласи, глаголя: «Кто еси ты, человѣкъ или духъ?». Отвѣща ему оттуду нѣкто, глаголя: «Человѣкъ есмъ грѣшенъ и здѣ плачуся грѣховъ // моихъ». Рече братъ: «Молю тя, повѣждь ми, кто еси ты и кое ти имя, и како съмо пришелъ еси». Отвѣща пустынникъ: «Имя мое и како съмо придохъ, единому Богу

л. 27  
об.

л. 28

л. 29  
об.

л. 30

въдомо». Паки братъ вопроси: «Единъ ли здѣ пребываеши или и другия суть с тобою пустынницы?». Той же рече: «Имамъ единаго брата, близъ себѣ живущаго. Бысть же и третий братъ, вкупѣ с нами здѣ живый, но отъидѣ ко Господу и погрѣбохомъ его близъ себѣ». Рече Кириакъ: «Откуду пишу вземлете и чимъ питаетесь?». Отвѣща той: «Воспомяни, брате, слово Господне, еже рече: „Не о хлѣбѣ единомъ живъ будетъ человѣкъ, но о всякомъ глаголѣ, исходящемъ изъ устъ Божиихъ“». То слово Божие // согрѣваеть и питаетъ внутренняго человѣка. Воспомяни, брате, дрэвлѣ бывшихъ первыхъ монаховъ, како подвизалися преподобныя мужи и жены в горахъ и в вертепахъ, и пропастехъ земныхъ, ихъже создавый Богъ тогда питаше. И нынѣ не той же ли, ей, единъ и той же Богъ. Аще же хощеши увѣдати, чимъ Владыка нась питаетъ, окалянное тѣло наше, приими сие иувеждь».

И с словомъ симъ сверже долу кусъ нѣкий. Братъ же вземъ, ядѣ, бысть же бѣлый мохъ, стертый с брусникою, и усладися ядъ та зело в гортани его. И рече пустынникъ брату: «Симъ питаетъ нась Владыка нашъ». Кириакъ же, сия видѣвъ, умилися // и нача со слѣзами молити пустынника, да повѣсть ему, колико лѣть пребываетъ на мѣстѣ томъ и каковы быша начатки в пустыни обучения его. Онъ же, преклоненъ бывъ прилѣжнымъ молениемъ его, отвѣща: «Имамъ здѣ пребывая десять лѣть и вящше. В первое лѣто пришествия моего сѣмо многия бѣды и напасти пострадахъ от нахождения и страхования бѣсовскаго. Являхуся бо тии в видѣ разбойниковъ, яро взирающе, и емше, бияху мя без милости. И влѣкуще мя из хижинъ моей, глаголаху: „Кто тя сѣмо наусти приити, изыди от мѣста сего и острова на брегъ, аще же тамо не хощеши ити, то поне в монастырь“. И паки ярящеся, глаголаху//: „Почто пришелъ еси в наше жилище, что тебѣ до пустыни сей? Вамъ монастыри даны в жилище, намъ же необитаемая мѣста! Отъиди от предѣль чуждихъ, не можеши здѣ жити, ниже терпети ополчений нашихъ“. Сице устрашающе и мучаще мя, еле жива оставляху.

Тогда приходжаху ко мнѣ два старца, святолѣпны образомъ, приносяще мнѣ просвиру и глаголаху: «Востани, братѣ, огради себѣ крестнымъ знамениемъ и сотвори Иисусову молитву. Не бойся козней и страшилищъ вражиихъ. Но мужайся и крѣпися, и Богъ поможеть тебѣ». Сия им рекшимъ, легчае ми бываше. По семъ глаголаху: «Вкуси, еже тебѣ принесохомъ, мы бо не оставимъ посещати тя». Егдаже // вкушахъ просвиры, аbie здравъ бывах, веселяся о Бозѣ, Спасе моемъ.

Святии же онии старцы первого лѣта, егда бѣси умучаху мене, всегда являхуся посѣщающе и вношаху мя въ хижину мою. Во второе же лѣто лѣгчае ми бываше бѣсовское нападение и страхование. Въ третие же много паче лучше ми бысть. И нынѣ благодатию Христовою покрываемъ, добрѣ ми есть, въ мирѣ и тишинѣ служу Богу моему. Старцы же и донынѣ часто мя посѣщаютъ и приносять мнѣ просфору и хлѣбъ.

л. 30  
об.

л. 31

л. 31  
об.

л. 32

Еще повѣдаю тебѣ, брате: быль у васъ во обители гость изъ Анзерского острова. Той, егда приближашеся къ монастырю, от прилучившагося мѣста // поиде прямо ко святыму озеру, ходя <sup>л. 32 об.</sup> верху воды. Узревъ же его нѣкий братъ, именемъ Киприанъ, прозываемый Простота, возопи к прилучившимся братиямъ, глаголя: „Зрите, братие, чудо — человѣка нага по водамъ ходяща“. Братия возврѣвше. Егда увидѣша его, той абие невидимъ бысть».

По семъ рече брате пустынникъ: «Брате и господине! Принеси мнѣ Бога ради ладану [день и время нарекъ ему] и узриши славу Божию». Онъ же обѣщася принести. И приемъ от дивнаго онаго мужа благословение и молитву, пойде показаннымъ путемъ в монастырь. Приспѣвшу же нареченному дню, замедли братъ и не возможе в той день отнести. Послѣди // же шедъ и много искасъ, не возможе ни горы, ниже мѣста того обрѣсти, понеже Господь, егоже первѣе яви, той послѣди своею благодатию и покры.

Во второе же лѣто идѣ оный братъ на тое мѣсто, идѣже с пустынникомъ бесѣдова, и много искасъ его и не возможе обрести. Утрудився, возлѣже, хотя почити, явися же ему в сонномъ видѣнии оный пустынникъ, глаголя: «Почто, отче, всуе трудишися безвремянно, егда не возмогъ еси во время прийти?». И дадѣ ему просвиру, онъ же абие возбудися, держа в рукахъ своихъ просвиру. Аминь. //

Въ Анзерахъ въ Троицкомъ скиту въ часовне при мощахъ <sup>л. 33 об.</sup> преподобнаго Елиазара по обеимъ его странамъ опочивають два его ученика. Одесную преподобный Никодимъ, бывши по немъ строителемъ, по ошую страну преподобный Никифоръ — подвижникъ<sup>1</sup>. //

### Повѣсть 5. О богоугодныхъ подвижникахъ Соловецкаго острова Несторѣ, Андрее<sup>2</sup> и мирянинѣ Саввѣ и прочиихъ пустынно-жителяхъ.

При игуменѣ Соловѣцкаго монастыря Рафаилѣ, иже по семъ бысть архиепископъ в Астрахани, около 1632 года на Соловѣцкомъ островѣ, посредѣ онаго, в пустыняхъ непроходимыхъ мнози жиша пустынцы, разстояниемъ от монастыря къ Реболдѣ за дѣсять вѣ//рстъ и болѣе, а от Реболды за шесть и за семь верстъ, от Двинскаго же наволока вовнутрь острова за двѣ — за три версты, и по инымъ мѣстамъ острова, в высокихъ горахъ и в глубокихъ стремнинахъ, в густыхъ лѣсахъ, между езерами, истины мира сего странницы обиталища своя имѣяху, по словеси апостола: «В пустыняхъ скитающеся, и в горахъ и в вертепахъ, и в пропастех земныхъ». О них же никто же вѣдяше, токмо единъ промышляя о нихъ Богъ и нѣции боголюбивии иноци. Слышахомъ же о нихъ и от старыхъ соловѣцкихъ жителяхъ, изряднѣе

<sup>1</sup> Этотъ абзацъ представляетъ собой позднейшую вставку, сделанную другимъ почеркомъ. <sup>2</sup> В ркп. Андрее испр. на Андреане почеркомъ, которымъ сделана предшествующая вставка.

же отъ монаха нѣкоего Илариона, жившаго во Александровой  
пустынѣ, что близь Дамиановыхъ // пустынь. Сии повѣствоваху о  
онѣхъ пустынницахъ, яко тыя живяху тамо жестокимъ житиемъ,  
кромъ хлѣба и всякия иныя обычныя человѣческия пищи, их же  
бѣ не ино что узриши дѣющихъ, но точию божественныя псалмы  
поющихъ, отеческия словеса на утверждение чтущихъ, присно молящихся,  
алчушихъ, веселящихся о будущихъ благихъ надеждою,  
и дѣлающихъ своими руками, отгнания ради уныния и праздности,  
любовь к Богу и ближнему. И не бысть у нихъничесоже,  
яже суть вѣка сего прелѣстнаго, понѣже и селѣния ихъ от мирскаго  
мятежа далече отстояху, исполнены конечныя нищеты и лишения.  
Не бѣ в нихъ пако//стника никоегоже, ни ругателя, ни враждующаго,  
ни клеветника, ни ропотника, но присно воздержащихся и единомыслию Богу работающихъ. Яко всякому по-  
знавающему на лицѣ ихъ внутрь сущую благодать, смиренный и  
корткий нравъ, паче человѣка подвиги и воздержание и предуп-  
сияние, и частыя и смиренныя хижны и пещеры ихъ, возгласити  
пищемое: «Коль добри доми твои, Иаковъ, и кущи твои, Израиль. Яко дубравы всеняющия, и яко садие при рекахъ, и яко  
кущи, яже водрузи Господь».

Бѣ в нихъ нѣкий братъ именемъ Адрианъ, живый в пустыни  
близъ езера, от Двинского наволока в средину острова за два  
поприща, идѣже бысть поста//влена келлия игумена преподобнаго  
Иринарха. Сей дивный мужъ тамо подвизащеся жестокимъ пустыннымъ житиемъ долгое время, преставися ко Господу, идѣже  
и погребенъ бысть у езера близъ келицы, но последи та келлия  
оттуду свезена бысть на иное мѣсто.

Бысть и еще нѣкий монахъ, именемъ Несторъ, отшелнически  
живяше близ Саввины келлии, в пустыни неутѣшно подвизаясь  
день и нощь в молитвахъ и посты. И в конецъ угодивъ Богу  
преставися, идѣже и погребенъ бысть близъ Дамиановой пустыни.

Еще нѣкто, мирянинъ Савва именемъ. Сей прежде труждаше-  
ся во обители Соловецкой. По семъ отъидѣ в пустыню в не-  
про//ходимыя мѣста на Соловецкомъ же островѣ, идѣже подвиза-  
ся на диавола жестоко 11 лѣтъ, никимже вѣдомъ. Добре и бого-  
угодно течение свое скончавъ, браны и ополчение враговъ  
низложи и непреступно вѣру соблюдѣ, мирно от здѣшнихъ ко  
Господу прейдѣ на вѣчный покой лѣта 1636 год(у). Честное же  
его тѣло положено бысть близъ Дамиановой пустыни. Повѣдаше  
же о нѣмъ погрѣбши, близъ его живши пустынницы о всѣмъ  
здѣсь предреченномъ. Да славится избрavyй и укрепивyй, и до  
конца сохраниvий ихъ Богъ, ему же слава во вѣки вѣковъ! Аминь.

Сии повѣсти писаны быша отъ многихъ достоверныхъ  
повѣствователей и самовидцовъ, жившихъ въ Соловѣцкомъ мо-  
настырѣ. Конѣцъ.